

**COFNODION CYFARFOD A GYNHALIWDYD YN
YSGOL SAESNEG HWLFFORDD
GRŴP GWAITH A GORFFEN
DYDD MAWRTH 17^{eg} EBRILL 2018**

Presennol:

Y Cynghorydd Mike Stoddart
Y Cynghorydd Tim Evans
Y Cynghorydd Lyndon Frayling
Y Cynghorydd Alison Tudor
Y Cynghorydd Stan Hudson
Y Cynghorydd Reg Owens
Y Cynghorydd Michael Williams (Cadeirydd)

Kate Evan-Hughes, Cyfarwyddwr dros Blant ac Ysgolion
Jon Haswell, Cyfarwyddwr Cyllid
Barry Cooke, Pennaeth Eiddo
Andrew Nicholas, Rheolwr y Prosiect
Shafi Alam, Peiriannydd Priffyrdd
Lara Lawrie, Ecolegydd Cynllunio
Gary Nicholas, Swyddog Gwasanaethau Hamdden
Nicola Lewis, Rheolwr Cyllid
Nick Haggart, Gweithredydd Cyfreithiol
Cath Davies, Cydgysylltydd Rhaglen 21G
Craig Kearney, Ymgynghorwyr Atkins
George Lance, Ymgynghorwyr Atkins

1.0 Ymddiheuriadau

Darren Thomas, Pennaeth Priffyrdd ac Adeiladu
Jane Harries, Pennaeth Ysgol Uwchradd WG Hwlffordd
Y Cynghorydd Phil Baker (sylwedydd)

2.0 Cofnodion a Chamau Gweithredu Blaenorol

- 2.1 Cytunwyd bod cofnodion y cyfarfod a gynhaliwyd ar 19^{eg} Mawrth 2018 yn gofnod cywir heblaw
- 3.11 cofnodion i'w newid i adlewyrchu nad yw'r gwaith a wnaed ar fynedfa o Cherry Grove yn cynnwys defnyddio'r safle presennol fel man gollwng
- 3.16 SoDdGA i'w newid i Ardal Cadwraeth Arbennig (ACA)

3.0 Adroddiad / Cyflwyniad Rheolwr y Prosiect

Rhoddodd Rheolwr y Prosiect ddiweddariad i'r aelodau ar waith a wnaed ers y cyfarfod blaenorol lle cytunwyd y byddai dewisiadau gwahanol i gylchfan Scotchwell yn cael eu harchwilio, ynghyd â'r dewis 'gwneud y lleiaf' wrth ddefnyddio mynedfa Prendergast.

Cyflwynodd Rheolwr y Prosiect ddau o ymgynghorwyr Atkins a gomisiynwyd i edrych ar y dewisiadau sydd ar gael i ddod oddi ar y ffordd osgoi. Eglurodd Atkins fod Safonau Llawlyfr Dylunio ar gyfer Cefnffyrdd sy'n pennu sut mae cyffyrdd yn gorfod gweithredu. Roedd dwy gyffordd y byddai Llywodraeth Cymru'n eu hystyried ar ffordd fel hon – Lôn Droï Ynys Ffug sy'n golygu lledu'r Gefnffordd o

boptu neu ddewisiadau Tapr Uno / Gwahanu. Fodd bynnag, roedd croesfan prif bibell nwy gwasgedd uchel ac adeiledd pont yn cyfyngu ar y ddau ddewis hyn. Bydd asesiad WeITAG yn edrych ar ddewisiadau llawer symlach ond bydd Llywodraeth Cymru eisiau gweld diystyru'r rhain.

Yn dilyn sylwadau aelodau ynghylch y cynigion, cadarnhaodd Rheolwr y Prosiect, tra bydd cylchfan Scotchwell yn cael ei hystyried mewn egwyddor, y ddau ddewis sy'n cael eu harchwilio ar hyn o bryd gan Atkins yw'r cryfaf, er eu bod yn dal i ddisgwyl am adroddiadau topograffig arnynt. Cadarnhawyd hefyd bod y ddau ddewis hyn yn canolbwyntio ar dir ar bwys y Gefnffordd sydd ym mherchenogaeth CSP. Fodd bynnag, mae perygl na fydd pellterau angenrheidiol Safonau'r Llawlyfr Dylunio ar gael.

Gofynnodd y Cynghorydd Reg Owens a oedd yn hanfodol cael adeiledd ffordd ychwanegol oherwydd y bydd effaith ar draffig ddwywaith y dydd yn unig. Mynegodd ddymuniad i weld defnyddio adeiledd y ffordd bresennol i gyrraedd safle'r ysgol.

Eglurodd Rheolwr y Prosiect bod y dewis 'gwneud y lleiaf' yn cael ei archwilio hefyd gyda dadansoddiad o sensitifedd wedi'i wneud ar draws adeiledd ffordd bresennol Prendergast.

Dywedodd y Cynghorydd Alison Tudor mai rhieni'n gollwng / codi sy'n atal llif traffig a dyna pam ei bod yn dewis cael mannau gollwng.

Dywedodd y Peiriannydd Priffyrdd y gwnaed gwaith o'r blaen i edrych ar gylch unffordd o gwmpas Prendergast, ond bod hwn wedi methu. Mae dadansoddiad o sensitifedd yn cael ei wneud ar hyn o bryd i benderfynu faint o draffig all y rhwydwaith priffyrdd presennol o gwmpas Prendergast ymdopi ag ef. Mae arwyddion cynnar yr ymgynghorwyr yn dangos bod gwaith yn gyrru ymlaen i weld a allai cyffordd Mikes Bikes ddod yn gyffordd flaenoriaeth.

Dywedodd Rheolwr y Prosiect eto y byddai mynediad at faes parcio'r Archifdy'n gorfod cael ei adolygu yn enwedig yng ngoleuni trafodaethau Mynediad at Wasanaethau, ynghyd â thrafodaethau gyda thrigolion Queensway. Dywedodd Rheolwr y Prosiect eto hefyd, er mwyn cyflwyno cais cynllunio dilys, y byddai'n gorfod dangos bod y rhwydwaith priffyrdd yn gallu ymdopi â'r llif ychwanegol o draffig neu, fel arall, byddai'n cael ei wrthod.

Cytunodd y Cynghorydd Alison Tudor y byddai trafodaethau'n gorfod digwydd gyda thrigolion er bod trafodaethau a gafwyd eisoes wedi dangos y byddai'n well ganddynt gael maes parcio / man gollwng nag adeilad swyddfeydd ar safle Cherry Grove.

Atgoffodd Pennaeth Eiddo'r grŵp nad yw unrhyw gostau priffyrdd oddi ar y safle'n gymwys ar gyfer cyllid dan Ysgolion yr 21^{ain} Ganrif ac, felly, y byddai'r Awdurdod yn gorfod ysgwyddo'r costau i gyd. Dylid cynnwys hyn wrth benderfynu pa ddewis i'w ddilyn.

Rhoddodd ymgynghorwyr Atkins gyflwyniad i'r aelodau ar broses WeITAG a chadarnhawyd bod cyfarfod wrthi'n cael ei drefnu gyda Llywodraeth Cymru i drafod mwy ar y broses.

Yn dilyn sylw'r Cynghorydd Mike Stoddart, cadarnhawyd bod yn dal i fod angen cynnwys arfarniad lefel uchel o ddewis cylchfan Scotchwell yn y broses arfarnu i gadarnhau i Lywodraeth Cymru y cafodd ei adolygu a'i ddiystyru.

Gofynnodd y Cynghorydd Mike Stoddart hefyd, os caiff aelodau eu hunain yn gwrthod safle STP, a fyddai'r canolbwynt yn symud i safle Tasker Milward sydd â'i broblemau ei hun. Cadarnhaodd Rheolwr y Prosiect bod holl waith yn canolbwyntio ar safle STP ar hyn o bryd.

Cadarnhaodd y Peiriannydd Priffyrdd y bydd yn cymryd tua 2 fis neu 3 i gael cymeradwyaeth Llywodraeth Cymru i symud i ail gyfnod yr arfarniad WeTAG sy'n agos at gyfarfod y Cyngor Llawn ym mis Gorffennaf pan fydd y grŵp Gwaith a Gorffen yn gorfod rhoi adroddiad. Fodd bynnag, dylai fod digon o wybodaeth erbyn hynny er mwyn i'r aelodau ddod i benderfyniad ar ba safle i symud ymlaen arno.

Aeth Rheolwr y Prosiect drwy'r amrywiol ffrydiau gwaith sydd ar y gweill ar hyn o bryd fel rhan o'r cynllun, gan gynnwys adleoli'n llawn i safle Tasker Milward. Ers y cyfarfod blaenorol gwnaed rhagor o waith ar y costau gweithredu a symud ac mae'r ffigur hwn erbyn hyn yn £2.7 miliwn.

Holodd y Cynghorydd Reg Owens a oes angen dymchwel pob rhan o adeilad presennol STP. Dywedodd Rheolwr y Prosiect mai cyflwr adeilad presennol STP yw C a bod profiadau blaenorol o ailwampio adeiladau'n dangos y gall guddio nifer o broblemau anrhagweladwy. Canlyniad hyn yw tynnu'r cyllid cyfyngedig oddi wrth wneud yr ysgol yn amgylchedd dysgu ac addysgu'r 21^{ain} ganrif.

Atgoffodd y Cyfarwyddwr Cyllid yr aelodau bod safle Tasker Milward yn cynrychioli mwy o werth am yr arian ond mae'n ymwybodol o'r ffaith mai safle STP yw'r un sy'n cael ei ffafrio. Ailadroddodd hefyd y byddai'r Awdurdod yn gorfod talu am unrhyw waith priffyrdd sydd oddi allan i gwrtil yr ysgol gan effeithio ar y rhaglen gyfalaf ehangach.

Rhoddodd Pennaeth Eiddo ddiweddariad i'r aelodau ar faterion eiddo cysylltiedig â'r cynllun. Gohiriwyd trafodaethau gyda thirfeddianwyr trydydd-parti ar hyn o bryd gan ddisgwyl penderfyniad ynghylch sut i gyrraedd yr ysgol.

Rhoddodd y Swyddog Gwasanaethau Hamdden diweddariad i'r aelodau ar faterion yn ymwneud â'r Gwasanaethau Hamdden. Cynhaliwyd cyfarfodydd gyda'r Tîm Dylunio a phrisiwyd y gofynion tebygol, sy'n gadael bwlch cyllid o £1.5-2 filiwn. Dywedodd Rheolwr y Prosiect fod trafodaethau ar y gweill rhwng y Tîm Dylunio, Hamdden ac Addysg i benderfynu beth sydd â hawl i gymorth ariannol a sut i'w symud ymlaen. Dywedodd y Cyfarwyddwr Cyllid nad oedd ganddo unrhyw sylwadau cyn iddo weld canlyniad strategaeth y Gwasanaethau Hamdden.

Cadarnhaodd Swyddog y Gwasanaethau Hamdden y bu trafodaethau gyda Tennis Cymru o ran cymorth ariannol ar gyfer neuadd chwaraeon ddwbl ond nid yw'n ymddangos y bydd unrhyw gymorth ariannol ar gael.

Dywedodd Rheolwr y Prosiect wrth yr aelodau bod peryglon allweddol cysylltiedig â'r prosiect yn dal yn ddigryfnegid a bod copi o'r gofrestr beryglon ddiweddaraf ymhlith y dogfennau ym mhecyn y cyfarfod.

Cadarnhaodd y Gweithredydd Cyfreithiol ei bod yn ymddangos bod unrhyw faterion yn ymwneud ag Ymddiriedolaeth Tasker a Picton yn agos at yn cael eu datrys gyda gorchymyn addasu i'w sefydlu yn y 2 fis neu 3 nesaf.

Cadarnhaodd Cydgysylltydd y Prosiect y byddai ymweliad yn cael ei drefnu i Gampws Dysgu Penfro ar dyddiad i'w gadarnhau.

Daeth y Cynghorydd Michael Williams i gasgliad y byddai tîm y prosiect yn parhau gyda'r ffrydiau gwaith a nodwyd yn adroddiad Rheolwr y Prosiect gyda diweddariad arall yn y cyfarfod nesaf.